



Universitätsbibliothek Paderborn

**D. Ioannis Ivsti Lanspergii Carthviani, Natione Bavari,
Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Actio gratiarum pro Christi Iesu efficacissima feruentissimaq[ue] cum
multis amaris lachrymis effusa ad Patrem suum cælestem oratione, pro
cunctis suis crucifixoribus, qui tunc, & vsq[ue] hodie cum ...

[urn:nbn:de:hbz:466:1-45928](https://nbn-resolving.de/urn:nbn:de:hbz:466:1-45928)

ictus, crucem cum corpore tuo super illam extenso sua violentia mouebant, agitabant, tremereque faciebant, & sic spinæ per reiteratos & frequentes lapsus capitis tui super crucem magis & magis profundius in occiput tuum adiebantur & impellebantur.

Pro strenuitate in Dei seruitio, mortificatione vitiorum & nuditate interna, Precatio X.

Psal. 118.

O bsecro te profundissima misericordia abyssus, per illum fortissimum pisi simi cordis tui erga nos amorem, quo non solum libens, sed etiam ardens grauiissimam poenam illam, horribilemque cruciatum, & dirissima tormenta subiisti in omnibus afflictissimis membris tuis, quorum nullum in suo recto statu permanerat: obsecro inquam te per eiusmodi orationem, ut des mihi omnes vires animæ, cordis & corporis mei, semper usque in finem ad tuum seruitium & honorem extendere. Confige me in quotidianæ mortificationis & virtutum cruce clavis amoris & timoris tui, quibus iugi perfectaque imitatione & amara compunctione tibi adhaerem, ita ut omnibus qua carnis & mundi sunt, totaliter exutus, in cruce tecum nudus cum nudo sursum me totum eleuem, & omnibus terrenarum rerum affectibus exuar, ut non si mihi amplius scire, velle, posse, cogitare vel vivere, nisi in cruce tua dulcissime Iesu.

Actione gratiarum pro Christi Iesu efficacissima ferventissimaq; cum multis amarissimi lachrymis effusa ad Patrem suum cœlestem oratione, pro cunctis suis crucifixoribus, qui tunc & usque hodie eum crucifigunt.

Luc. 23.

M Itissime ac totius mansuetudinis exemplar Christe Iesu, adoro, laudo, benedico ac gratias ago tibi Domine Deus meus, pro ineffabili & infinita dulcissimi & paterni cordis tui benignitate & miseratione, pro inuicta, exigua & indeficieni charitate tua, non modo erga te diligentes, verum etiam erga inimicos & persequentes te. Siquidem cum violentissime atque usque ad compagum dissolutionem super crucem distendereris, dilacerareris ac distrahereris, ita ut omnia tum sacratissima membra & nerui instar arcus intenta essent, & alia ad se alia attraherent, clavisque diris per manus & pedes cruci affigereris, non aliud agne mansuetissime dixisti, quam: Pater ignosce illis, quia nec scium quid faciunt. O quam immensa & incomprehensa multitudo bonitatis tuæ, o quam ardentissima & exuberantissima dilectio tua, ex qua non aliud tu eis imprecatus es, nisi, quasi immemor omnium dolorum tuorum: Pater ignosce illis. In tanto poenarum cruciatu constitutus, non aliud tum monstrabas, quam quod exacerbarem illorum magis, quam corporis tui languorem doleres. Hoc enim præcipue agebas, ut hostium tuorum peccata excusares, & vindictam, quam merebantur illi, tu deprecando illos Patri commendatos faceres.

Pro vulnerante Dei amore, & perfecta proximi dilectione tam amicorum, quam inimicorum, Precatio XI.

O bsecro te amantisime, fidelissime ac suauissime amator Christe Iesu, per amorem pietatem & amorem divini cordis tui, da mihi charitatem ardentissimam, perfectissimam & fidelissimam, per quam crudelitate misericordissima

